

زورگیری پُشدرد نیکروسیاست ء بایوسیاست ء وانشتے

پنجاہ:

بایوسیاست ء نیکروسیاست استیں وھدے سیاست ء مزنیں ء گیش کامرز بویکیں سیاسی هیال گُشگ بنت۔ ہر دوئیں تہر ء سیاسی هیال مرچی نیں دنیا ء سرجمیں استانی پالیسیاں ہوار آنت، تری آوریپی استان بنت یا ایشیا ء، آجمہوریت ء منوگر بنت یا ڈکٹیٹر شپ ء۔ بایوسیاست ء نیکروسیاست ء زورگیری ء پُشدرد ء چارگ ء ہاتر ء الی آنت کہ ماے ہر دوئیں سیاسی هیالانی بند پتر ء بہ زان ایں۔

بایوسیاست ء گیشینگ ء پیش بایوتاگت (Biopower) ء زانگ الی آنت۔ ایسی ء سوب ایش آنت کہ میشل فوکو بایوسیاست ء ہاتر ء بایوتاگت ء گالبد ء کار مرزکت۔ بایوتاگت ء بزانت ایش آنت کہ سیاسی تاگت بنی آدم ء زند ء ھمک تک ء پھنات ء سامنند کنت۔¹

میشل فوکو ء رد ء تاگت (Biopower) یک انجیں شے یے کہ ہر ہند ء دگ ء است آنت۔ ہمیشک فوکو ء تاگت ء ریس ء پریس (Analysis) گوں استان ء تاگت ء بندوک آنت۔ وھدے فوکو ء استان ء تاگت ء سر ء گپ ء تران گنگ تہ آئی ء استان ء تہی ء ڈنی شور بندی دیم ء ایر گنگ آنت ء استانی میان ء تاگت ء سر ء ہاسیں دگوش نہ داتگ۔

میشل فوکو ء پدمیشل ہارڈٹ (Michael Hardt) ء انونیو نیگری (Antonio Negri) ء بایوسیاست ء سر ء کار گنگ۔ اے ہر دوئیں بایوسیاست ء میاں استمانی تک ء پھنات ء سر ء دگوش داتگ، بلے ایثاں ہم بایوسیاست ء ہاتر ء بایوتاگت ء گالبد کار مرزکت۔ بایوسیاست، بایوتاگت ء میکانزم آنت۔

چوناہا ”بایو“ یونانی زبان ء گالبدے کہ ایسی ء بزانت ”زند“ آنت۔ یک گالبدے ”زوءے“ آنت کہ آلس زند ء ہاتر ء کار مرزیت ء دومی ”بایوز“ آنت کہ ایسی ء بزانت دیمروی گرتگیں زند آنت۔ وھدے بایوسیاست ء سر ء گپ ء تران بیت، تہ اے زانگ الی آنت کہ اے گالبد چہ کجا پیدا آنت، ہمیشک بازیں پوکاراں بایوسیاست ء بند پتر ء سر ء کار گرتگ ء آئی بند پتر گیش ء گیوار کنگ ء جہد گنگ۔ نوں جُست اے ودی بیت کہ بایوسیاست یک نوکیں تب ء میلے یا کدیمیں دور ء زمانگاں چہ است آنت؟ بایوسیاست راجدوستی ء لوٹ ء گزراں بیلوکنت یا لبرل ازم ء گوں گیش نزکی کنت؟ میکا اوجاگانگس (Mika Ojakangas) وتی کتاب "On the Greek Origin of History of the Power" ء تہ ء بایوسیاست ء زمانگی یونانی سیاسی لیکہ یے ء ہستار ء چارایت۔ اوجاگانگس ء رد ء وھدے زمانگاں سیاست پہ لس مردمانی گہبودی ء وشھالی ء ہاتر ء بوتگ، ہمیشک بایوسیاست چو مگر بی سیاسی لیکہ ء وڑ ء کوھن ء زمانگی لیکہ یے پرچہ کہ اے لیکہ کلاسیکل سیاسی شہزانتی ء تہ ء اپلاتون ء ارستو ء کار مرزکت آنت۔ ہمے وڑ ء ارستو ء وتی کتاب "سیاست (Politics) ء اپلاتون ء وتی کتاب "ریپبلک (Republic)" ء تہ ء بایوسیاست ء حکومت ء ازم ء سر ء بازیں گپ ء ہاوستے گنگ۔

ریناسا ء جُزء آھگ ء وھدے اپلاتون ء ارستو ء ہشتانک لاتیینی زبان ء رجینگ بنت۔ ہمے وھدے مگر بایوسیاست ء رد ء مزنیں گپ ء تران ء ہاوستے بندات بیت۔ ہمے وڑ ء اگمبیں (Agamben) ء ہم گوشگ آنت کہ بایوسیاست یک مزنیں بند پترے ء گوں بندوک آنت ء آئی ء روتگ ماں کدیمیں زمانگاں سرکش آنت۔ بایوسیاست ء درگت ء انجیلا (Angela) گوش آیت کہ اے حکومت کنگ ء ہماکار رھبند آنت کہ مردمانی سر ء وتی واکداری ء ہرجم دارگ ء ہاتر ء بایوتاگت ء کار مرزکت۔

¹ Angela M. Filip, Biopolitics, King College London, UK.

"نیکرو" یونانی زبان ۽ گالے کہ ایٹھی ۽ بزانت گنٹ "Corpse" انت۔ ہمیشہ نیکرو سیاست "مرگ ۽ سیاست" بزاں "The Politics of Death" ہم گنگ بیت۔ ہچل ایم بیبے (Achille Mbembe) وتی کتاب "Necropolitics" ۽ تہ ۽ نیکرو سیاست ۽ چوش گیشین ایت:

"نیکرو سیاست کسے ۽ مرگ ۽ زندہ پیسلہ کنگ ۽ توانا ۽ گوش انت۔ اے پیسلہ کنگ کہ کتے ۽ زندگ بوگی انت ۽ کتے ۽ مرگی انت نیکرو سیاست گنگ بیت۔"

دومی گالانی تہ ۽ ماچوش گشت کنیں کہ، "نیکرو سیاست ہا فریم ورک انت کہ مردمانی زندگی ۽ بستار ۽ گیشین ایت۔" نیکرو سیاست ۽ تہ ۽ ہمنکدر کہ تو واکد اریں تاگت یا لیکہاں گوں نژیکی دارے، تہی زندہ ۽ ہمنچو گیش ارزشت بیت۔ پہ درور، امریکہ ۽ اردیں کسے اسپیت پوتے ۽ پدا ازگار انت، اے پہ آئی ۽ وٹیں پالے۔ نمرتاورگیس (Namrata Verghese) نیکرو سیاست ۽ شوکیں درورے دنت کہ، "یک لانچے یک دریایے ۽ بڈگ ۽ انت ۽ آئی تہ ۽ یک سی ای او (CEO) یے، ڈاکٹرے، نودر برے، گشندہ ۽ بے روزگاریں مردے سوار انت۔ چوشک لانچ انچو مردم زرت نہ کنت، تہ ایٹانی تہ ۽ یکے دریاء دور دیگ لوٹ ایت۔ جست اے دوی بیت کہ کجام مردم دور دیگ بہ بیت؟ اے جاورانی تہ ۽ کجام مردم ۽ زندگیش ارزشت دار ایت؟ اے پیسلہ کنگ کہ کجام مردم زندگ بہ بیت ۽ کجام بہ مر ایت، نیکرو سیاست گنگ بیت۔"²

با یو سیاست ماں زور گیری پشدر ۽:

کلاسیکل دور ۽ پدا زانتکاراں با یو سیاست گوں زور گیری ۽ ہمنگنچ کنگ۔ ہمے درچ ۽ کولیر (Collier) با یو سیاست ۽ گوں روزگی لبر لازم ۽ ہوار کنت ۽ ویلیے (Weheliye) با یو سیاست ۽ زور گیری ۽ گوں ہمنگر نہیں رھندے سر پد بیت۔ وھدے با یو سیاست گوں روزانک ۽ ہمنگنچ کنگ بیت، تہ آئی بڑہ کار جاہی سرمایہ داری ۽ چہ بندات بیت۔ اردیں با یو سیاست استان ۽ تاگت ۽ کار مرزی ۽ پشدر ۽ چارگ بیت تہ ایٹھی ۽ بڑہ استان ۽ نسل پرستی ۽ تہ ۽ گندگ بیت۔

دیتر ۽ ماگند این کہ لیمکے (Lemke) راجدوستیں سوشلزم ۽ با یو سیاست ۽ تہ ۽ یک نزوریں ہیالے لیک ایت ۽ با یو سیاست ۽ تہ ۽ نسل پرستی ۽ لیکہ ۽ سر ۽ با و ست کنت ۽ آئی ۽ جیو پالیٹکس ۽ گوں ہوار چار ایت۔ لیمکے ۽ رد ۽ با یو سیاست چہ نسل پرستی ۽ اولی جھانی جنگ ۽ وھدے بندات بوتگ۔ دومی رند ۽ با یو سیاست 1960 ۽ دھک ۽ ماں امریکہ ۽ سرچست کنت۔ اے زمانگ ۽ امریکہ ۽ مردم ۽ روشنت ۽ چارگ ۽ ٹپاسگ ۽ ہاتر ۽ ہم با یو سیاست کار مرز بوتگ۔

با یو سیاست زرداریں نظام ۽ راستیں دست انت:

با یو سیاست زرداریں نظام ۽ ہم بہرے۔ ایٹھی ۽ سوب ایٹھ انت کہ نیولبرل زرداریں رھند ۽ جتگی لوٹ ۽ گزر گوں زندہ ۽ بندوک انت۔ چوشک دومی جھانی جنگ ۽ پد مردم ۽ زندہ سیاست ۽ تہ ۽ یک سیادی یے جوڑ بوتگ۔ زرداریں رھند ۽ سر ۽ اوشتوکیں استان وتی الس ۽ گہودی ۽ ہاتر ۽ استان ۽ تہ ۽ گہتری آرگ ۽ انت بلے اے گہودی پہ درملکی پناہ زیر اں نہ انت۔

ہارڈٹ ۽ نیگری ۽ رد ۽ با یو سیاست ۽ گوں ہمنگر نجیں زرداریں رھند انڈسٹریلائزیشن ۽ پد بدل بیت۔ چاگر دی پیداوار بدل بت، ہمے وڑ ۽ انڈسٹری زرداریں رھند ۽ گیشین ایت ۽ نول پیداوار با یو تاگت ۽ دروشم ۽ کار مرز بیت۔ با یو سیاست ۽ تہ ۽ پیش دارگ بیت کہ زرداریں رھند چاگر دی

² Necropolitics Versus Biopolitics: Spatialization, White Privilege and Visibility During a Pandemic. Carolyn M. Rouse.

سیادینی بنیات اور اشتوک انت۔ ہسے سوب ء مردم روزگی ء سیاسی تاگتانی پاد ء چیر ء لگتال بیت۔ باوسیاست ء کنگ ء پید اور انچوش مردم ء وتی گلام جوڑ کنت۔ چوشکد نیگری ء کنگ انت، اے وهد ء زرداریں رھبند ء تہ ء باوسیاست پید اور جوڑ بوتگ۔ ہسے سیاسی رھبند ء کنگ ء لس مردمانی زند ء تہ ء دزمانجی کنگ بوگ ء انت۔ باوسیاست ء کنگ ء زرداریں رھبند مردمانی مردمی بستار ء ہم هلاس کنت ء آھانی بودناکی ء پھ وتی نپ ء پاندگ ء کارمرز کنت۔

دیتر ء نیگری گوش ایت کہ باوسیاست ء کنکسٹ ء تبکانی نیام ء تپاوت است۔ اے چیزے گیشینگ ء ہاتر ء آدو باوست دیم ء کارایت؛

1. 1960 ء 1970 ء وهد ء پوریاگرانی جھد ء پید اور باوسیاست ء بہرے جوڑ بوتگ۔

2. باوسیاست ء چاگردی پید اور زرداریں باوتگت ء تہ ء نہ بیت۔

نوکیں نوآباتی نظام ء باوسیاست ء سیادی:

چوشکد جھانی مارکیٹ ء زورگیر سرزاهر ء چھ ڈیھ ء ایر دست کت نہ کن انت، ہمیشکد آوتی زورگیری ء برجم دارگ ء ہاتر ء ایر دستی ء نوکیں راہ ء در شوہاز انت۔ اے رد ء لس مردم ہما وهد ء آھانی چنگل ء کانت کہ آزداریں رھبند ء گوں ہمگرنج بنت، بزاں زرداریں انڈسٹریانی جوڑ کنگیں چیزاں پھ وتی آسرائی ء کارمرز کن انت۔ اے باوسیاست انت۔ یک وهدے بیگ کہ زورگیریں تاگتاں دومی راجانی سر ء سرزاهر ء زورگیری کنگ، آھانی راجی مڈی لٹ ء پل کنگ انت، بلے نوں گلامی ء دروشم بدل بوتگ۔ نوں زورگیریں تاگتاں وتی لٹ ء پل برجم دارگ ء ہاتر ء گلامیں مزدور "پکار گیریں کاردارانی" تہ ء بدل کنگ انت۔ دنیا ء مزین مزین زرداریں کمپنی اردستیں راجانی راجی مڈیاں یکشل ء لٹ ء پل کنگ ء انت۔ ہسے وڈ ء میاں استمانی مارکیٹ نابروبری ء ادارہی دروشمے دیگ ء انت۔³

دیروئی ء سیکورٹی ہم باوسیاست ء بہرے کنگ بنت۔ استان سیکورٹی ء ریشلائز (Rationalize) کنگ ء جھد ء انت، ہمیشکد دیروئی ء اژاند باوسیاست ء بہر کنگ بنت۔ باوسیاست اژاند ء تیار کنت ء روبرکتی زورگیریں مکاں پھ راہ پچ بیت کہ بیا انت ء ایر دستیں مکانی سیاست ء اندر ء دزمانجی کنان ء نکلیگیں جاوڑال جوڑ بہ کن انت دانکہ آاے ہند ء دمگاں پھ وتی نپ ء پاندگ ء کارمرز کت بہ کن انت۔

فوکو ء رد ء لبرل حکومت ء جوڑ کنگ باوسیاست ء چہ گتائیں چیزے نہ ات۔ لبرل حکومت ء تہ ء یک گیش انگیں رھبندے ء رد ء باوتگت کارمرز کنگ بیت۔ بندت ء لس مردم یک ہاسیں ڈسپلنے ء پابند کنگ بنت۔ پدا آھانی درائیں چست ء ایر چارگ ء ٹپاسگ بنت۔ ہسے وڈ ء باوسیاست ء کنگ ء سرکار لس مردمانی سر ء وتی واک ء برجم دارایت۔⁴

باز جاہاں چوبیت کہ باوسیاست انسانی آزاتی ء نام ء لبرلزم ء یک شوکیں ہیالے ء دروشم ء لس مردمانی دیم ء کارایت۔ ایٹی سوب ایش انت کہ زورگیری ء گہودی ء ہاتر ء لبرلزم ء دیروئی المی انت۔ اے ہر دوکیں کارانی کنگ ء ہاتر ء لس مردمانی سر ء کار کنگ المی انت، بزاں آھانی ذہن سازی کنگ المی انت۔ اے ہاتر ء لس مردم یک ڈسپلنے ء پابند کنگی انت، دانکہ آشریں ء سیمتندیں پوریاگر جوڑ بہ بنت۔ ہسے وڈ ء سرکار لس مردمانی سر ء وتی واک ء برجم دارایت۔ ہمیشکد، ماگند ایں کہ زندگی ء نام ء بازیں مردم ہلار کنگ بنت ء آھانی چکچینی کنگ بیت۔ پھ درور، اگاں یک ازگاریں سی ای او

³ New Agro-Colonialism: Control Over the Life and imposed Spatial Temporalities.

⁴ Is Development a Problem of Security, Global South, Post-Colonialism and Foucaudian Biopolitics," Bushrq Naz, Rana Liz Sengoz.

یے رکنگ و ہاتر پوریا گرے کنگی بہ بیت، تہ روا انت۔ با یو سیاست مردم و زندہ درائیں چست و ایراں گر و دار کنت۔ ہے سوب انت کہ استان جنگ بندت کن انت کہ اے جنگاں بازیں مردمے نمیران بیت۔ ملک و تہی جیرہانی درگت و وتی جندہ زندگ دارگ و ہاتر و ڈمن و چکپوش و کنگ با یو سیاست انت۔ نول جنگ ہمنچو گیش بیت، آ زور اکی و رد و چارگ نہ بیت بہ گندے زلورتے لیگ بیت۔

ہے وڈ و میشل فو کوش ایت کہ اے پیسلہ کہ کئے و مرگی انت و کئے و زندگ بوگی انت، نسل پرستی و سر و اوشتوک انت۔ کسے و زندہ و مرگ و پیسلہ آئی و نسل و رد و بیت، بزاں نسل پرستی با یو سیاست و یک مز نیں بہرے۔ با یو سیاست و تہ و زور اکی، و سزا و چہ ہد و گیش ارزشت دیگ بنت۔⁵

مردم زرداریں نظام و پیداوار انت؟

پیداوار و روزانک (Financialization of Capital) و بزانت روزگی مارکیٹ (Wealth Market) و سر و واکدار بوگ انت۔ و ہدے روزگی مارکیٹ گہتری و نیمگ و سپر کنگ و بنت تہ اے و ہد و نوکیں تبک ہم جوڑ بنت۔ ہے نوکیں تبک و آگہال ہر و ہد و گتہمال کنگ بنت۔ پہ دور، یورپی یونین و تہ و یک نوکیں بہر و بانگے بندت بوتگ۔ یک نیمگے انتظامی زردار انت و دو می نیمگ و جھلی تبک و مردم۔ ہے نوکیں تبک کہ جوڑ بوتگ، آئیچر تبک (Manager Class) کنگ بیت۔ یورپی یونین و اے بہر و بانگ نسل پرستی و رد و پیدا ک بوتگ انت و نول یورپی راجانی تہ و باز شگ و تالان انت۔

مردمی سرمایہ و لیکہ⁶ و رد و مردم دوستی یک کاروبارے۔ یک زرداریں استانے و تہ و مردم و کار تاملی دروشم و پیشدارگ بنت و اے انچوش پیش دارگ بنت کہ ایشانی گڈی مکد مالدار بوگ انت۔

ہما کو ہنیں استان کہ یک و ہدے زور گر بیگ انت، وتی لٹ و پل و دو بر بندت کن انت و تاگت و بہر و بانگ نسل پرستی و رد و بیت۔ اے و ہد و نو آباتی استان تاگت و وتی دست و کت و مردمانی ہر و ڈیں چست و ایر چارگ بنت۔ اے استان دنیا و بہر و بانگ کنگ و زمہ وار بنت و وتی ہمبر ای و اے دگہ زور گرین استاناں موہ دنت کہ آدودمان و میر کدار جوڑ بہ بنت۔

نیولبرل زرداریں ر ہند یک انجیں نظامے کہ آئی و تہ و ہر شے یے استان و دست و بیت۔ اے ہما و ہد و زاہر بیت کہ مردم و زندگی و بستار یک سوداگری چیزے بیت، پرچہ کہ گلوبلائزیشن ایوک و تہما مارکیٹ و آزات کنگ نہ انت۔ اے چاگرد و یک پیداوارے سر پد بیت و چاگرد و تہ و ہر و ڈیں سیاسی چست و ایرانی سر و پابندی بیت۔ دو می ادارہانی تہ و بجکاری و سر و زور دیگ بیت۔

و ہدے 15 می کرن و دنیا چارگ و ٹپاسگ بیت تہ پد بیت کہ آو ہدی دنیا پولی سنٹرک بوتگ، بزاں آئی تاگت و یک بجاہ یے نہ بوتگ و آ زرداریں ر ہند و سر و اوشتوک نہ بوتگ۔ چین و بگرداں سب سہارا و اریک (Sub-Saharan Africa) و، اے درست مز نیں دودمانانی واہند بوتگ انت بلے یکے دو می و سر و ارن نہ کنگ ات۔ چد و پد دنیا و بند پتر و تہ و دو مز نیں بدلی کیت۔ اولی اٹلانٹک کار و بار انت و ایشی و تہ و مز نیں بدلی اے بیت کہ روبر کتی ماکن دنیا و بند پتر دوبر نویسگ بیت۔ دنیا و نمبشتہ کاری روپر کتی ملکانی دست و بیت۔ 15 می کرن و گرداں 20 می کرن و بیا، اے و ہد و روپر کتی بند پتر و سر و نمبشتہ کنگ بندت بیت و اے ہے و ہد انت کہ روبر کت و دودمان جوڑ کنگ بیت و آئی توسپ و ساڑا ہگ و ہمبر ای و دو می

⁵ What is Biopolitics?

⁶ مردمی سرمایہ یک انجیں ر ہندے کہ پوریا گر و روزانکی ارزشت و کار کنگ و بودناکی و سر و زور دنت۔

دودماناں چہ گہتریں دومانے لیگک بیت۔ بلے راستی ۽ بچارات تہ 15 می کرن ۽ پیش روبرکت ۽ دودمان ۽ جندنہ بوتگ۔ آودھی یونان ۽ روم روبرکتی دودمان ۽ بہر بوتگ آنت۔ رند ۽ کہ زورگیری اھد ۽ باریگ بندت بنت تہ اے دگہ دودمان چکپروش کنگ بنت۔ زورگیری، گلامی ۽ نسل پرستی پدا زرداری ۽ ہاتر ۽ دیم ۽ آرگ بنت۔ بایوسیاست مردماں دروگیس مہر دنت ۽ زرداریں نظام ۽ راستی ۽ چیر دنت۔ نول اے دروگ ۽ لس مردم راستی سرپد بنت۔ زرداریں رھبند دروگیس گپ ۽ ہال ۽ پیداواری ۽ سر ۽ ہم کار کنت۔ ایٹی ۽ یک درورے موسمی بدلی (Climate Change) آنت۔ چین ۽ بگر داں جاپان ۽ بیا، ہندوستان ۽ گر داں جرمنی ۽ در۔۔۔ اے درائیں ملک ۽ راج جھد ۽ آنت کہ گیشا گیش انرجی رسورس (Energy Resource) شوہازگ ۽ کار مرز کنگ بہ بنت۔ ہماستان کہ اے تچ ۽ تاگ ۽ دیم ۽ بیت، آدنیاء روزگی تاگت جوڑ بیت ۽ روزگی روزانک ۽ رھشونی ۽ کنت۔⁷

بایوسیاست گہگیری ۽ دژمن آنت:

بایوسیاست ۽ وانگ ۽ ہاتر ۽ دو چیز ۽ زانگ آلی آنت۔ اولی ہمیش آنت پولیٹیکل سائنس ۽ گول بندوک آنت۔ لنٹن کالڈویل (Lynton Caldwell) ۽ گنگ آنت کہ بیوسیاست ہماسیاسی رھبند آنت کہ آئی تہ ۽ زند ۽ راستال ۽ میار یکجاہ کنگ بنت ۽ مردمانی ہاتر ۽ شور بندی کنگ بیت۔ دومی ہمیش آنت کہ بایوسیاست اے گپ ۽ ہجر نہ گوش آیت کہ چیز یکوڑ ۽ آنت، بلکلیں بایوسیاست گوش آیت یک سیاسی ٹیکنالوجی یے ۽ بایو سیاست انجینیکس یک ٹیکنالوجی کہ ترا بند پتری ہساب ۽ گون آنت ۽ پدا بند پتری ہمے وڑ بوان ۽ پیداک آنت۔ بایوسیاست بز انکہ انجینیکس ٹیکنالوجی یے کہ انسان ۽ جند ۽ گر ۽ دار کنت۔

فوکو، ہارٹ ۽ آگمن ۽ رد ۽ یک نسل پرستیں سرکارے آباتی ۽ یک بہرے ۽ جاندرائی ۽ روزگی گہتری ۽ ہاتر ۽ جھد کنت ۽ آباتی ۽ دومی بہرے سزادنت ۽ آئی ۽ چکینی ۽ کنت۔ تومس لمکے ۽ گنگ آنت کہ بایوسیاست بازیں شریں رھبند ۽ ہیالانی تہ ۽ مردماں وقتی نیمگ ۽ دلگوش کنگ ۽ ہاتر ۽ کار مرز بوگ ۽ آنت۔

نول جنگ ہم بایوسیاست ۽ رد ۽ بوگ ۽ آنت۔ جیوپالیٹکس ۽ تہ ۽ بدلی، 11/9 ۽ ویل ۽ پدا امریکہ ۽ ناشر کارانی ہلاپ ۽ جنگ کنگ ۽ ڈسکورس، بایوسیاست جنگے۔ میشل فوکو ۽ رد ۽ وھد ۽ زمانگاں لس مردمانی ایر دست کنگ ۽ آھاں گر ۽ دار کنگ ۽ ہاتر ۽ بازیں شور بندی ۽ پندل سازگ بوتگ آنت۔ فوکو ۽ رد ۽ مردے ۽ مرگ ۽ جیوہ گیشوارنہ بنت۔ بایوسیاست ۽ کار مرزی ۽ استان ۽ اے پیش دارگ لوٹ آیت کہ ادارہ، نادر اجباہ، دارو ۽ درمان ۽ واگجاہ پہ لس مردمانی گہتری ۽ ہاتر ۽ جوڑ بوتگ آنت، بلے راستی آیت آنت کہ استان لس مردماں گر ۽ دار کنگ ۽ ہاتر ۽ اے کار ۽ کنت۔ اردیں کسے بایوسیاست ۽ رھبند ۽ ہلاپ ۽ گہگیری کنت تہ بایوسیاست ۽ وقتی سزاست آنت، بز اں ہر ہما مردم کہ گہگیری کنت، استان آئی ۽ چہ ہر وڑیں آسراتیاں چہ ز بہر کنت۔ بایوسیاست ۽ تہ ۽ استان نسل پرستی ۽ رد ۽ لس مردماں بہر کنت ۽ مسترین نسل ۽ پاھاز آیت ۽ آئی ۽ ہر وڑیں آسراتی دنت۔ مردماں اے وڑ ۽ بہر کنگ ۽ جٹی سوب آیت کہ آسیاسی ہساب ۽ زور بہ بنت ۽ آھانی گور ۽ گہگیری ۽ گنجائش پشت مہ کپ آیت۔ چد ۽ پدا استان مسترین نسل ۽ اے باور کنا نین آیت کہ کسانیں نسل پہ آئی ۽ ایمنی ۽ وشھالی ۽ اژاند آنت۔ ہمیشکہ، مز نین نسل باندا آنت کہ کسانیں نسلانی ہلاپ ۽ جنگ ۽ گمگ بہ کن آنت۔ ہمے سوب آنت کہ مز نین نسل ۽ گور ۽ کسانیں نسل ۽ سر ۽ لم ۽ زوراک ۽ آھانی چکینی ۽ وڑیں مانانہ دار آیت۔ ایٹی ۽ بزانت آیت کہ بایوسیاست ہما سیاست رھبند آنت کہ سر جمیں آباتی ۽ کسانیں بہرے ۽ نپ ۽ پاندگ ۽ ہاتر ۽ سازگ بیت۔ بایوسیاست ۽ کار مرزگ ۽ ہاتر ۽ آلی آنت کہ لس مردم نسل ۽

⁷ “Biopolitics, Necropolitics, de Coloniality Pavilion,” Journal for Politics and Culture.

ردء بہرء بانگ بہ بنت۔ نسل پرستیء ودینگء بازیر راہء رھبند است آنت، بلے گیشتر کار مرز بوکیں استانی پالیسی جنگء ایمنیء ڈسکورس، روزیگی چست ء ایرء سیول آرڈرء گیگء گور کنگ آنت۔

میشل فوکو کو 2004ء وتی لیکچر، "Society Must Be Defended" ء تہ ء گوش ایت کہ 18 می کرن ء مردم پیداواری تاگتے جوڑ کنگ بوٹگ آنت ء 19 می کرن ء ہمے پیداواری تاگت ء ٹمک ء بایو سیاست کار مرز کنگ بوٹگ ء حکومت جوڑ کنگ بوٹگ کہ آئی ء کمسڈیک ہاسیس نسلے ء نپ ء پاند گانی پاھاگ بوٹگ۔ اے ہما کرن انت کہ نسل پرستی ء استان چیدگی بوٹگ آنت۔ فوکو ء ردء نسل پرستی ء درگت ء 19 می کرن ء پیش ء ہیال ء لیہاں یک جنگی ڈسکورسے جوڑ کنگ۔ ہمے ڈسکورس ء سوب ء چاگرد بہرء بانگ بوٹگ ء زور اکی ء درج تچ بوٹگ آنت۔ ہمے ڈسکورس ء لس مردم نسل پرستی ء آماج کنگ آنت۔ ایش پہ استان ء مز نیں پاندگے بوٹگ۔ ہمے سوب انت کہ 19 می کرن ء دیم مردمانی پچار نسل پرستی لیکہ ء ردء کنگ بوٹگ آنت۔ ہمدان چہ کسانیں ء مز نیں نسل جوڑ بوٹگ آنت۔ چوشکہ مز نیں نسلاں ہر وھد ء اے ٹرس ء بیت کہ دومی نسل آھانی نپ ء پاندگ ء دیم ء اڑاندے جوڑ بیت، ہمیشکہ آستان ء زلم ء زور اکی ء آئی ٹمک ء کنت ء گوں آئی ء ہور ء ہوار بیت۔ وتی پاھاگ ء ہاتر ء مز نیں نسل زلم ء زور اکی ء استان ء ہمکو پگ بنت ء استان ء وتی پاھاگ وکیں شے یے سر پد بنت۔ ہمے سوب انت کہ بایو سیاست ء رھبند ء جوڑ بوٹگیں حکومت، مز نیں نسلاں پاھاگ ایت دانکہ لس مردمانی گھگیری زور بہ بیت۔ پہ درور، 19 می کرن ء برطانیہ نسل پرستی ء ردء وتی کالونیاں جوڑ کنت ء بایو سیاست ء رھبند ء کار مرز کنان ء نکشہ جوڑ کنت، ہند ء دمگاں ساپ کنگ ء پلگارگ ء شور بندی ٹہین ایت، مردم شماری کنت ء ہمے وڑ ء مردمانی جاسوسی ء کنت، آھانی ہر وڑیں چست ء ایرء گر ء دار کنت۔ ہمے وڑ ء ہندوستان ء مردم وتی جند ء زمین ء در آمد جوڑ بنت۔⁸

زور گریں آباد کار ہمے داب ء بایو سیاست کنت۔ آباد کار دری زور گریں راج ء ہندی مردمانی زمین ء آبات کنت ء ہمے وڑ ء ہندی مردم وتی جند ء سر زمین ء سر ء در آمد جوڑ بنت۔

جور جیو آگیمبن (Giorgio Agamben) ء ردء وھدے یورپ رودراتگی ماکاں زور گیری ء آماج کنت تہ آاے ہند ء دمگ ء مردمانی سر ء وتی کانود ء مُش ایت ء ہندی مردماں بے دودمانیں مردم لیک ایت۔ ہمے وڑ آباد کار بایو سیاست ء اے ہند ء دمگاں پہ وتی نپ ء پاندگ ء کار مرز کنت۔ دری زور گر ایوک ء لس مردماں ء آھانی زمیناں دستیک نہ کنت، آاے راجانی روزیک، سیاست، ء چاگردی چست ء ایراں ہم وتی دست ء کنت۔ چد ء پد زور گر جھد کنت کہ اے زور گپتگیں زمیناں جھانی زرداریں رھبند ء بیار ایت ء لبرل حکومت ء اے مردمانی سر ء بہ مُش ایت۔ مروچی زور گیری ء آباد کاری ابرمی کارے ء بستار ء دیم ء آرگ بوگ ء آنت، ہمے وڑ ء زور گپتگیں دمگاں لبرل حکومت جوڑ کنگ ء آھاں جھانی رھیدگے ء بستار ء مٹارینگ ء جھد بوگ ء انت۔ ایشی ء یک درورے 2009 ء سمٹ ء سربراہی دیوان (Summit) انت کہ اود ء کینیڈا ء مز ن وزیر کینیڈا ء رھشوناں دیم پہ دیم کنت ء گوش ایت کہ کینیڈا ء چھر ہچ ڈیھ وتی کالونی جوڑ نہ کنگ آنت۔ روبرکتی کانود ء تہ لبرل حکومت بایو سیاست ء کار مرز کنت۔⁹

بایو سیاست ء چندیں راستی:

بایو سیاست ء بزانت سیاست ء زند ء یکجاھی انت۔ سیاست زندگی ء گوں چی پیم سیادی دار ایت؟ اردیں اے جُست ریں ء پڑیس کنگ بہ

⁸ Biopolitics: Race of Resistance in the Novel of Salman Rushdie", George William Twiss. Uni Exeter. 2015.

⁹ "The biopolitics of setter colonialism: right has right power," Scott Lauria Morgensen.

بیت تہ نوکیں جست و دی بنت؛ زندگی جی یے؟ سیاست جی مانا دارایت؟ یازند سیاست ۽ روشنت چون آنت؟ سیاست ہر رنگ ۽ داب ۽ گوں زند ۽ ہمگر نچ آنت۔ نوں اے جستانی پتو ہم کیے نہ ات۔ ہر یک زانکار ۽ شاہر آنتے وتی حساب ۽ اے جستانی پتہ ۽ دنت۔ بلے مابا یوسیاست ۽ سیا سی رنگ ۽ داب ۽ چار ایں۔

پولیتیکل سائنس ۽ تہ ۽ با یوسیاست دو مانا دنت۔ 1970 ۽ دہک ۽ لاتی امریکہ ۽ زانکار سیا سی روشنتی ٹاسگ ۽ ہاتر ۽ لائف سائنس¹⁰ ۽ ڈیٹا ۽ رھند کامر زنگ آنت۔ اے زانکارانی گنگ آنت کہ۔۔۔۔۔ دوی دیم ۽ میشل فوکو ۽ گنگ آنت کہ زندگی بو یو لو جیکل تاکت ۽ بنیات ۽ زانگ نہ بیت۔ بگندے زند سیا سی شور بندی ۽ ٹیکنا لوجی ۽ بنیات ۽ گیشنگ بیت۔ گپ پد اھما انت کہ واکدار ٹیکنا لوجی ۽ ٹمک ۽ لس مردماں گر ۽ دار کنت۔¹¹

با یوسیاست مردماں زردار ایں نظام ۽ تب ۽ پاند کنت ۽ زردار ایں مکانی زور گریں پراجیکٹ ۽ جائز پیش دارایت۔ 20 می کرن ۽ ڈی کالونائزیشن ۽ نوکیں جھانی رھند (New World Order) ۽ اپریکہ ۽ راجانی رھشونی گنگ، آھاناں لاچار گنگ کہ یورپ ۽ سیا سی ماڈل ۽ وتی بہ کن آنت ۽ استان ۽ جوڑشت ۽ با یوسیاست ۽ رد ۽ جوڑ بہ کن آنت۔¹²

باھوٹی ۽ با یوسیاست:

چوشک مابا یوسیاست ۽ بزانت ۽ سر ۽ پیسہ ۽ گپ گت، باھوٹی مردم ہم اے درج ۽ با یوسیاست ۽ آماج بنت۔ روھنگیا (Rohingya) کہ بے لوگیں مردم آنت، آھاں زمینے نیست، اے درگت ۽ یک جو اینں درورے بوت کن آنت۔ بنگلادیش ۽ کاکس بازار (Cox Bazar) ۽ دہ لکھ ۽ گیش روھنگیا باھوٹی آنت۔ کاکس بازار بنگلادیش ۽ زیمسری دگے۔ اے پرچہ باھوٹی کنگ بوتگ آنت؟ ایشی ۽ دو سوب آنت؛ یکے، سیمسری ہند ۽ دگ ہما جاہ آنت کہ اود ۽ پچار ۽ سیاست (Identity politics) ۽ زمین ۽ سیاست (Territorial Politics) جتا بیت۔ روھنگیا ۽ بے وسی ۽ پد متنگی زمین ۽ پچار ۽ سیاست ۽ سوب انت۔ استان ڈی ٹیریٹوریل (Deterretorial) ۽ کار ۽ ہلا پ بیت، پرچہ کہ باھوٹیانی سوب ۽ بوکیں اے کار یہ یک استان ۽ واکدار ۽ و تو اجمہی ۽ ہاتر ۽ تا و انبار ایں کارے بوت کنت۔

دوی سوب ایش آنت کہ استان وتی جنگ ۽ مردماں چہ باھوٹیانی گیش ارزشت دنت۔ پمیشکہ باھوٹیانی ہاتر ۽ کیمپ جوڑ کنگ بنت ۽ آچہ اے دگہ آباتی ۽ جتا کنگ بنت۔ اے رھند ہا ہر ٹھکو مت گنگ بیت۔ نوں بنگلادیش ۽ باھوٹیانی ہا ہر ٹھکو مت ۽ میکانزم ۽ تہ ۽ کینت۔ بزاں کاکس بازار ۽ آباتی روھنگیا ہاں پچاری کار ڈیگ بوتگ، آھانی ہروٹیں چست ۽ ایر چارگ بنت ۽ آھاناں چہ اے دگہ آباتی ۽ جتا دارگ بوتگ۔¹³

فرائز فینن ۽ با یوسیاست:

چوناھا فینن ۽ وتی گنج نیشانتک ۽ تہ ۽ با یوسیاست ۽ گالبد کار مرز نہ گنگ، بلے آئی بازیں نیشانتکانی تہ ۽ با یوسیاست ۽ گوں ہمگر نجییں ہیال زاہری کن آنت۔ ایشی درورے نسل پرستی آنت، کہ آیک نوآباتی رھندے۔ فینن ۽ رد ۽ نسل پرستی مردم ۽ لیکہ ۽ بالاد ۽ گیشین آنت۔ ہمے سوب آنت کہ

¹⁰ ھاسائنس کہ زندگیں سادھاراں گوں سیا دی دارایت۔

¹¹ "Biopolitics and State regulation of human life," Michael Laurence. Oxford Bibliography. 10/August/2020.

¹² "Sexual and Gender Diversity, National State of Biopolitics in the Global South, a Lesson from Africa," Fabiano Gontijo. Redalyc.org, 25/February/2021.

¹³ "Hybrid Governmentality in Practice: Territoriality of Biopolitics in Rohingya Refugee Camps in Bangladesh," Sharif A. Wahab. Science Direct com.

مردم مکتوری یا شرتری ۽ نادراھیبانی آماج بنت۔ ھے مکتوری ۽ شرتری ۽ مارشت مردم ۽ چہ آئی رنگ ۽ اداب ۽ رس آنت۔¹⁴

اندري زورگيري بايو سياسي رھبندے:

وھدے سنگاپور آجو بیت، ھکومت ۽ پھ سکيورٹی مز نيس جيڙه يے بیت۔ سنگاپور ۽ پاھاڙگ ۽ ھاٽر ۽ آلمی بیت کہ سنگاپور ۽ ديرونی ۽ کار به بنت، چوشکھ کشف ۽ دگانی جوڙکنگ، کار ۽ بار ۽ ٺهينگ ۽ روزانگ ۽ سر ۽ کارکنگ۔ ھے سوب بیت کہ سنگاپور وتی روزیگی جاورااں دلگوش دنت ۽ آھانی تہ ۽ گھتري کارایت۔ ھے وڙا ۽ جوڙکنگ ۽ ھاٽر ۽ زمين ۽ یک بوگ ۽ روزانگ آلمی آنت۔ اے رنگين جاورااں استان بايو سياست ۽ چوش کار مرزکنت کہ کوہ ۽ کوچگی ھند ۽ دماگ کم ارزشت دنت ۽ شھر ۽ بازاراں ديرونی دنت۔ کوہ ۽ کوچگی دماگ زوراکی بیت، آھانی جيڙه ۽ جنجال ديم ۽ آرگ نہ بنت۔۔۔ اے اندري زورگيري ۽ یک دروشے۔¹⁵

بايو سياست ۽ استان ۽ سکيورٹی:

پہ استان ۽ وتی برجم دارگ یک مز نيس جيڙه يے۔ ھے سوب انت کہ استان وتی ھکومت ۽ تہ ۽ مردمانی زندمان ۽ گر ۽ دارکنت ۽ ھاھساب ۽ نوکين شوربندی ٺهين ایت ۽ وتی سکيورٹی ۽ ھکم کنت۔ نوں کہ میانی رودراتکی ملاک چاراين تہ گنداين کہ اء جنگ ۽ مذہبی بهر ۽ باگی ۽ سوب ۽ مردمانی زندمان ۽ گر ۽ دارکنگ پہ سرکار ۽ مز نيس جنجالے۔ پھيشکھ، اے وڙيں جاورااں سرکار ۽ ازگاريں تبک ۽ مردم وتی تاگت ۽ برجم دارگ ۽ ھاٽر ۽ بايو سياسي رھبند ۽ کار مرزکنت کہ آئی تہ روزیگی، چاگر دی ۽ زرداريں چست ۽ اير درست ھوار آنت۔ اے شوربندی ۽ بازيں جاہ ۽ استان سوبمند ھم بیت۔ پہ درور، لبنان ۽ تہ ۽ لس مردمانی سياسي ۽ روزانگی جاور مذہبی بهر ۽ باگی دروشم ۽ گر ۽ دارکنگ بنت۔ اے جيڙه گيش ودايت وھدے ايشی ۽ تہ ۽ دين، نسل، جيوپالينکس ۽ چاگر دی ۽ روزیگی جيڙه مانگيشينگ بنت۔ ارب اسپرنگ (Arab Spring) ۽ پدمیانی رودراتکی ملاک اے جيڙه باز ديم ۽ کانت۔ آمر ۽ زوراکاں پدمنگی ساچ اتگ، ھے سوب انت کہ داں مروچی اے ھند ۽ دماگ ایمنی سرکش ات نہ کنت۔

اسٽيون ايڊيمن (Steven Heydemann) ۽ گنگ انت کہ بيد ۽ مز نيس ٺهينی ۽، میانی رودراتکی ملاک آمریت ھکم بیت ۽ مذہبی بهر ۽ باگی درج گيش پچ بوان بنت۔ جمھوریت ۽ ھاٽر ۽ آشوب چست بوت کنت بلے گھگيري ۽ پيش اے ھيال کنگی انت کہ اے مذہبی بهر ۽ باگی درج چي پيم ھلاس کنگی انت؟ دگہ درورے بھرين ۽ گندگ بیت کہ اود ۽ ھم مذہبی تپاوت است آنت، بلے اے مذہبی بهر ۽ بانگ سرکار ۽ ودي کنگين آنت ۽ سرکار ۽ ايشانی سر ۽ دزرس ھم است۔ نوں استان ۽ اے ٺولیاں چہ تاوان ۽ بوت کنت، پھيشکھ آبايو سياست ۽ رھبند ۽ کار مرزکنان ۽ وت ۽ چہ اے تاوان ۽ رئين ایت۔ پہ درور شييا آنی سر ۽ ارش کنگ ۽ ھاٽر ۽ سرکار ھر وڙيں سيمسراں سرکپت کنت ۽ ھر وڙيں شوربندی ۽ رھبند ساز ایت۔ اے جيڙه تھنا بھرين ۽ ناں، اے دگ ۽ دو می ملاک ھم گندگ بیت۔

اگمبين بايو سياست ۽ استان ۽ تاگت ۽ سر ۽ باوست کنان ۽ شترين ۽ ليپگيس زندمان ۽ تہ ۽ پرک ۽ تپاوت ۽ گيشين ایت۔ اگمبين 11/9 ۽ پد استان ۽ جاورااں سر ۽ باوست کنان ۽ گيشين ایت کہ استان ۽ تاگت ۽ یک پٺوے کيمپ آنت۔ بزاں استان کيمپانی تہ ۽ بايو سياست ۽ رھبند ۽ کار مرزکنت ۽ کانود ۽ انچوش جوڙکنت کہ آئی ۽ نپ ۽ پانگ پاھاڙگ بہ بنت۔ ھے کيمپانی تہ ۽ مردمانی شترين زندمان ليپگ بنت۔ لبنان ۽ پلستيني باھوٺياں پہ کيمپ

¹⁴ “Giorgio Agamben, biopolitician”, Shamoop.com.

¹⁵ “Territory, Hydraulic, Biopolitics, Internal Colonialism through Urban Catchment Management in Singapore,” Mark Usher. 20/April/ 2022.

است آنت۔ اے کیمپانی تہ استان یک ہا سیں رھبندے ء مردماں زندگی گوازینگ ء لاچار کنت ء آھانی ہر یک سُرے چارگ بیت۔۔۔ دگہ ہم بازیں با یوسیاست ء رھبند است آنت کہ اے کیمپاں کار مرز بنت چوشکہ ما پیسر ء روھنگیا ء کیمپانی بابت ء گشتنگ آت۔¹⁶

میڈیکل میشن کالونیل میشن انت؟

اے با یوسیاست ء اپروچ انت کہ میڈیکل میشن ء گول زور گیری رھبند ء یکجاہ کنت۔ اردیں زور گیری ء بند پتر چارگ ء ٹپاسگ بہ بیت تہ زانگ بیت کہ نادر ابجاہ، دارو ء درمان ہر وھد ء زور گر ء پوتی زور گیری ء مہکم کنگ ء ہاتر ء کار مرز کنگ آنت۔ میڈیکل میشن تہ ء ماگند ایں کہ ایردستیں راجانی جگاں اے ہیال مان کنگ بیت کہ آوت وتی جیڑ ہاں گیشوار کنت نہ کن آنت، آھانی چاگردی زندمان گول یورپ ء بندوک انت ء آھانی نادر اھیاں ہم ہا الاچ کنت کن آنت۔

زور گیریں تاگتانی میڈیکل میشن ء با یوسیاست ء شور بندی ء رد ء کار مرز کنگ ء یک درورے مارا خیبر بختونخوا ء گندگ کیت۔ با یوسیاست ء تہ ء نادر اہی یک مز نہیں جیڑہ یے بوت کنت۔ جانسلا متی ء جیڑہ یے جوڑ کنگ، فوکو ء رد ء "نوسو سیاست (Noso Politics)" کنگ بیت۔ ایٹی ء بزانت ہم جانسلا متی ء یک جیڑہ یے جوڑ کنگ انت۔ نوسو سیاست ء رد ء سرکار مردم ء چاگردی زندمان ء تہ ء دزما نجی کنت۔ جانسلا متی ء ہاتر ء جوڑ کنتگیں شور بندی ء کنگ ء سرکار مردماں گر ء دار کنت۔ ہمے وڑیں میثانی یک درورے انگریزانی ہندوستان ء تہ ء "چوتانا پور میشن" انت۔

ہمے وڑے ڈاکٹر تیوڈر پینل ء کنگ انت کہ انگریزاں خیبر پختونخوا ء تہ ء وتی دارو درمان ء ڈاکٹر نامدار کنگ انت کہ رند ء اے زور گیری ء ڈسکورس ء بہر جوڑ بوتگ۔ اے میڈیکل میشن ء کنگ ء انگریزاں سر زاھر ء وتی کالونیائی تہ ء ہندی دودر بیدگ ء تہ ء دزما نجی کنگ۔ ماگند ایں کہ اوگان کیسلہانی تہ ء انگریزاں پیش حکیم، علاء پکیراں مردمانی الاچ کنگ۔۔۔ بلے، انگریزی آھگ ء پد انگریز ڈاکٹر ء آھانی دارو ء درمان اے ہند ء دمگاں نامدار کنتاینگ بنت۔ اے داب ء با یوسیاست میڈیکل ء یک آپتے جوڑ کنت، جاندر اہی ء پالیسی ء مردمانی سر ء کار مرز کنت ء آئی ء کانودی بستارے ہم دنت۔ زور گیریں ڈاکٹرے ایردستیں راج ء لس مردمے ء سر ء زوراک انت۔ زور گر ء میڈیکل میشن ء یک درورے بلوچستان انت کہ انگریزانی زمانگ ء سنڈیمین نادر ابجاہ ہم جوڑ کنگ انت۔ مروچی انگریزانی کنڈ پنجابی ء گپتنگ۔¹⁷

ہمے رد ء وھدے فرانس چارگ بیت تہ زانگ بیت کہ فرانس ء ہم وتی زور پتنگیں ہنکیناں نادر اہ جاہ جوڑ کنگ انت ء نادر اہ چار اتگ ء ٹپاس اتگ انت۔ ہمے وڑے میڈیکل میشن ء کنگ ء آئی ء وتی زور گیریں ڈسکورس سے جوڑ کنگ ء پد اہمے ڈسکورس کار مرز کنگ ء آباتی ء تربیت کنگ۔ میڈیکل ادارھاں زور گیریں اھد ء مز نہیں کر دے پیلو کنگ ء بازیں جاھاں اگت ہم کنگ ء انت۔¹⁸

لبرل ایمنی ء منوگر انت؟

وھدے لبرل ازم ء گالبندیم ء کیت تہ مردم ء ہیال ایمنی ء نیجگ ء روت۔ اے ہبر ء ہم چھ ٹنک نیست کہ لبرل ازم ایمنی ء گپ ء کنت۔ بلے 11/9 ء پد زانکار ء شاھر انت لاچار بوتگ انت کہ استان ء کارانی سر ء بہ جیڑ آنت۔ پرچہ کہ وت ء لبرل ازم ء منوگر گشوکیں استان ہم زوراک کن انت، آزار جاھاں ء زندان کار مرز کن انت۔ فوکو ء سیکورٹی ء سر پدی با یوسیاست ء تہ لبرل ازم ء ایر ادگیت۔ وانگ ء اے پڑے رد ء لبرل ازم بس ایمنی

¹⁶ "Sovereignty, Biopolitics and de Sectarianization in Divided Societies," Middle East political science.

¹⁷ "Colonial, Biopolitics Medical Mission in NWFP: a cause of Dr. Pennell of Banu Medical mission," Tasleem Malik, Faiz Ali. Journal of science. 2020.

¹⁸ "Foucault, Population, Geography, Classification Biopolitics and Govt spaces," Stephen Legs.

ۛ بٹاکاں جنت؁ بئن اسل ۛ لبرل ازم هم زوراکى ۛ پاداں اوشٹوک انت۔ لبرل ازم ملکى ۛ میان استمانى تبک ۛ جنگى ماڈلے۔

نیکروسیاست ماں زورگیری پشدر ۛ:

بازیں استانے است کہ آھانى تہ ۛ نیکروسیاست کار مرز بیت۔ مادام کولیٹرل ڈمیج (Collateral Damage) ۛ گالبنده اش کنیں؁ ایشی ۛ بزانت پجى انت؟ کولیٹرل ڈمیج ۛ بزانت ایش انت کہ جنگى جاورانى تہ ۛ انجیں مردم کہ آھاں جنگ ۛ گوں تچک ۛ کار نیست؁ بس جنگ ۛ زده کاینٹ ۛ نیمیران بنت؁ یا آھانى مال ۛ دلوتاں تاوان رس ایت ۛ اے عمل اے بنیات ۛ جائز متارینگ بیت کہ آچاگرد ۛ گھسودى ۛ هاتر ۛ جنگ بوتگ انت۔ وهدے ما امریکہ ۛ جاورانى رده ۛ کولیٹرل ڈمیج ۛ چار ایں ۛ پٹاس ایں تہ زانگ بیت کہ امریکہ ۛ جنگاں چھبر ایسانى؁ امریکہ ۛ مہلوک؁ اسپیت پوست یاسیر ۛ ازگاریں مردماں پہ ردى نکس ۛ تاوان نہ رستگ؁ بہ گندے کولیٹرل ڈمیج هر وهدے سیاہ پوست ۛ ایگہ نسلى بنیات ۛ ایردستیں راج ۛ مردمانى مرگ ۛ جواز بکش ایت۔ نیکروسیاست همے چیز ۛ گوش انت؛ چندیں مردمانى نپ ۛ پانگ اے دگہ مہلوک ۛ زند ۛ چہ گیش ارزشت دار ایت۔

کووڈ-19 ۛ نیکروسیاست:

ایم بیجے رده ۛ نیکروسیاست چاگرد ۛ یک نوکیں دروشے دنت۔ ایشی ۛ مسترین درور کووڈ-19 انت۔ ایوک ۛ امریکہ ۛ اے نادراہی ۛ سوب ۛ پنچ لکھ ۛ برز مردم مرگ ۛ آماج بنت۔ اے پنچ لکھیں مردمانى تہ ۛ گیشیں هماہنت کہ پدمتنگ ۛ نیزگار انت۔ اے رده نمرتاورگیس ۛ تجزیہ مارا جاورانى سرپد بوگ ۛ ٹمک کنت۔ آنى رده ۛ مردمانى بیرانى تہ ۛ هم نیکروسیاست ۛ مز نیں سانے است۔ پہ درور ماگند ایں کہ گیش اسر مندیں مردم هماہنت کہ نیزگار انت؁ آھانى گوروانگ زانگ؁ جان سلامتی ۛ ایدگہ هچ وڑیں آسراتى نیست۔ ماد ۛ "مور" نامیں کووڈ-19 ۛ یک نادراہے ۛ کتہ ۛ پہ درور زیر ایں۔ آ وهدے نادراہجاہ ۛ روت؁ تہ آنى ۛ ڈاکٹر اسپیت پوستى بیت۔ ڈاکٹر نامور ۛ الاج ۛ کنت؁ نیکہ آنى ۛ دارودرمان دنت۔ آہس حکم کنت کہ مورچہ نادراہجاہ ۛ درکنگ بہ بیت۔ چوشکہ مور ۛ الاج پہ گیگ ۛ گوم نہ بیت؁ آساہ دنت۔ چوشکہ اسپیت پوستانى مسترى؁ انڈسٹریئل کمپلکس؁ نوآباتى رھند ۛ پدرشاہى رھند نیکروسیاست ۛ هوار انت؁ پہمیشکہ بازیں زانکار نیکروسیاست ۛ زرداریں رھند ۛ بہرے لیک ایت۔ زرداریں رھند ہمار رھند انت کہ پدمنتگیں ۛ نیزگاریں مہلوک ۛ ساہ ۛ گپت؁ آھانى بہت ۛ نبشنتہ کنت۔ زرداریں رھند ہمار رھند انت کہ یک ازگاریں مردمے ۛ رکنگ ۛ هاتر ۛ هزاراں مردمانى مرگ ۛ جواز بکش ایت۔ چو کووڈ-19 ۛ ایچ آنى وی ۛ ایڑز هم نیکروسیاست ۛ دین انت۔

کووڈ-19 ۛ ہندوستان ۛ تہ ۛ ازگار ۛ نیزگاریں مردمانى میان ۛ تپاوتے گیشینتنگ۔ پہ درور؁ مز نیں تبک ۛ مردم؁ کسانیں تبک ۛ مردم یا شہر ۛ مردم ۛ کوہ ۛ کوچگانى مردم۔ همے وڑے کووڈ-19 ۛ جنسى ۛ چاگردى؁ ربیدگى؁ روزگى ۛ سیاسى پرک ۛ درک گیش و دینتنگ انت۔¹⁹

¹⁹ "The living dead within death world, gender crisis and covid-19 in India," Debadrita Chakraborty. Gender male and organization.

نیکروسیاست بس زلم و زوراکی و نام انت:

نوں نیکروسیاست و فریم ورک سرجمیں دنیا و شنگ و تالان بوگ و انت۔ انچوشک چین و وائرس۔ روس و پاکستان و نیکروسیاست و جوڑشت مارا اے سرپدی و دنت کہ نیکروسیاست تہنا گوں کووڈ-19 و بندوک نہ انت بلکیں ہر ہا تاگت کہ چاگر دے و وئی واک و برجم دارگ لوٹ ایت، آلم و زوراکی بز ان نیکروسیاست و رھند و کارمرزکت۔

دنیچہ کرناں جنگ و آماج بو ان و پیدا ک انت۔ یہ درور امریکہ و روس و سردیں جنگ (اے سردیں جنگ و و پروکسیانی جنگ)، پد امیانی رودراتک و ارب ماکنی جنگ، اوگانتان و جنگ۔ جنگ و ایدسیاسی زوراکی، میگانی یہ زور لڈینگ، زورگیریں رھند ہم است انت کہ آھانی تہ و نیکروسیاست گندگ بیت۔ کید و بند، وئی مردماں سزادیک۔۔۔ سیکورٹی نیولبرل ازم و ہم پیش دار ایت۔ ایم بیجے، فینن و فوکو و بنشٹانک و ہدے چارگ و ٹپاسگ بنت تہ زانگ بیت کہ مروچی نیں دنیا نیکروسیاست و سوب و بازسانمند بو تگ۔ یہ درور، نسل پرستی انت، راجد و ستیں مردمانی سر و زلم و زوراکی، درانڈ بھی، و زوراکیں تب و دیم و آھگ انت۔ نیکروسیاست و تہ و سزا، آزار، باھوٹیانی حیڑہ، استان و زوراکی، و تو اچھیں ڈیھانی زورگیری و راجی مال و ڈیانی لٹ و پل کایت۔²⁰

ایم بیجے استان و جوڑ بوگ و نسل و جوڑ بوگ و سیادی و سر و ہم گپ کت۔ ایٹی و ہاتر و آدارہ، رھند و پد زورگیری اھد و کار رھندانی سر و گپ کت چوشک نسل و جوڑ بوگ انت۔ زور گرگلا میں راج و مردماں یہ وئی روزگی نپ و پانگ و کارمرزکت۔ ایم بیجے و رد و نو آباتی رھند و پد نو آباتی رھند و کار رھند و تہ و ہاسیں تپاوت نیست۔ راستی ایش انت کہ پد نو آباتی رھند و تہ و نو آباتی رھند نو کیں دروشے کہ ہوار کنگ بو تگ۔²¹

نیکروسیاست، زلم و زوراکی چیدگی دروشم:

نیکروسیاست و تہ و زلم و زوراکی چیدگ انت و اے زلم و زوراکیاں چہ و ت و رکنگ ارزان نہ انت۔ استیں جمہوری کار رھندانی تہ و زورگیریں کار رھند دوہر ہوارگیجگ بوگ و انت و مردمانی سر و کارمرزگ بوگ و انت۔ مردمانی اگبالاں پادمال کنگ و انت۔ ایم بیجے دیتر و گوش ایت کہ گلامی و زورگیریں رھند جمہوریت و تہ و ہم سر کٹگ و انت۔ اے مارا چاگر دے تہ و گندگ کایت۔ چوشک کانود و ڈن زوراکی انت۔ ناشرکاری، و ناشرکاری و پکپوش کنگ و نام و زلم و زوراکی و چہ مردماں ٹرس چاگر دکت۔ نیکروسیاست چاگر دے تہ و ڈومنی و نادوستی و مارشٹاں گیش کت۔ نیکروسیاست، باپو تاگت و زوراکی و سر و زور دنت۔ ایم بیجے نیکروسیاست و استان و مردمانی کٹگ و ہک و آباتی و مرگ و سر و تران کت و گوش ایت کہ باپوسیاست ہچر اپوک و اسر نہ کت، آنیکروسیاست و ہمبر ای و چاگر دے و سانمند کت۔ نیکروسیاست، جمہوری استان و نیولبرل و گلوبل استان و کالب و کارایت و سر کت۔ نیکنالوجی و ٹمک و نیکروسیاست استانانی سیمسراں مٹ و بدل کت و اے نو کیں سیمسراں آباتی بہر و بانگ بیت۔ لبرل جمہوریت و یک مز نیں جیڑہ یے جھانی زورداریں رھند انت۔ چوشک تو امیں استان از گاریں تبک و مردمانی دست و انت و اے زورداریں مردم بس وئی سیت و نپ و چار انت۔ ہمے رھند و سوب انت کہ جتائیں تبک و مردمانی نیام و تپاوت و دی بنت، آجنگ و سر گر انت۔ اے جگانی تہ و تاوان نیز گاریں مہلوک، ایرد ستیں راج، اقلیت و زالبولال رس ایت۔²²

²⁰ "Necropolitics, Achille Mbembe," Justice Davis. JDDAIS SPOET. March 14, 2021.

²¹ "Necropolitics," Anuja Bose. Springer Link. August 24, 2020.

²² "Necropolitics by Achille Mbembe," Atrick Dwyer. Canadian journal of law and society. November 3, 2020.

نوآبادی نظام نیکروسیاست انت؟

ہر دور باریک سیاہ پوئیں مردم چه اے دگی مردماں مکتربلیگ بوئنگ انت ء هے ورء آ ایر دست کنگ بوئنگ انت۔ بازیں جاهاں استان اے تپاوت ء برجم دارگ ء هاتر ء زلم ء زوراکی ء باهوئی بیت۔ استان ء سکیورٹی ء شور بندی ء سرکار ء آمر تہیں رھبند مردمانی زند ء وتی تب ء دار انت۔ نسل پرستی ہاھیال انت کہ آئی ء بنیات ء سرکاروت وت ء اے اگبال ء دنت کہ ہر چنت مردم کنگی انت، بے کش، روا انت۔

زور گرین تاگتاں وھدے کالونی جوڑ کنگ تہ آھانی تہ ء دہکانکاری ء هاتر ء ہندی جھمنند گلام جوڑ کنگ ء کارگرگ بوئنگ انت۔ هے دڑ ء زورگر ء وتی کالونیانی تہ ء انجیں دگ جوڑ کنگ کہ اود ء هچ کس ء مردمی بستارے نہ بوئنگ۔ چوش بیت کہ بازیں جاهاں کالونی سیمسری ہند ء دمگانی پیم ء چارگ بنت۔ زورگروتی کالونیاں دیروئی نہ دنت، آیک گہسودی استانے ء وڑ ء نہ بیت بہ گندے زورگروتی کالونیانی تہ ء انجوش تاگتور بیت کہ ہر کس ء، ہر وھد ء ہر وڑ ء بہ لوٹ ایت کشت کنت۔ ماوھدے نیکروسیاست ء چارایں تہ گندایں کہ چکھینی ء ہما شور بندی کہ زمانگے ء کالونیانی تہ ء بوئنگ، نوں شہری دمگال کارمرز بوگ ء انت۔ پہ درور استیں وھد ء استانانی بہر بوگ، زندانی بوگ ء مارشتے، یک بے وسی یے۔ چونکہ استان ء جوڑشت مہکم انت، ہر راہ ء دگانی سر ء لشکر بند ایت ء مہلوک جُست ء پُرس کنگ بیت۔ ہمک ہند ء دگ ء نگرانی کنگ، لشکر ء گشت، تیر گواری۔۔۔ اے کل نیکروسیاست ء شور بندی انت۔²³

ڈرون نیکروسیاست:

جیمی الیسن (Jamie Allison) وتی کتاب "The Necropolitics of Drones" ء تہ ء گوش ایت کہ ڈرون ء لوٹ روچ پہ روچ گیش بو ان انت۔ ڈرون پہ ٹارگٹ کلنگ ء کشت ء ہون ء کارمرز بنت۔ ڈرون ء بابت ء امریکہ ء مزنیں باوستے ودی بوئنگ۔ امریکہ وتی دژمنناں ہلاس کنگ ء هاتر ء ڈرون کارمرز کنت۔ اے اُرش ء اگاں دومی راج ء بے میریں مردمے نمیران بہ بیت یا امریکہ ء جند ء شہری یے۔۔۔ اے پہ امریکہ ء جیڑہ یے نہ ات۔ بازاھاں ڈرون ء اے ہد ء آزات کنگ بیت کہ ہر نجا ہر کس ء شک کنت، ہمانی ء سر ء اُرش بہ کنت۔ مروچی بازیں مردمے نیکروسیاست ء ٹمک ء ڈرون ء سر ء باوست کنت۔²⁴

2002 ء بگر چه 2012 ء میان ء مردمانی کنگ ء کار رھبند ء تہ ء مزنیں بدلی اتلگ۔ اے ہما وھد انت کہ بالی سلاھاں (Flying Weapon System) باز دیروئی کنگ۔ گیشیں مردم گوں ڈروناں جنگ ء نمیران کنگ بوئنگ انت کہ ایسانی تہ ء گیش یو اے وی ڈرون (UAV) کارمرز بوئنگ ء ایسانی تہ ء ہم گیشیں امریکہ ء اوگانستان ء زمین ء کارمرز کنگ انت۔

روبرکتی ماکاں ہم ڈرون ء کارمرزی ء سر ء دو باوست دیم ء اتلگ۔ اولی کانودی انت ء دومی اخلاقی۔ کانودی بنیات ء چوش چارگ بیت کہ اردین امریکہ القاعدہ ء ہلاپ ء ڈرون کارمرز کنت، اے کانود ء رد ء بنت کہ ناں! اخلاقی ایش انت کہ انسان ء زندگی ء سر ء ڈرون ء وتوا جہی دیگ بہ بیت یاناں!²⁵

نیکروسیاست کرد روجو دستیں زربشت ء ترکی ء چکھینیں شور بندیانی تہ ء ہم گندگ بیت۔ تہنا گرد ء ٹرکی ناں، ہمک زور گرین استان وتی

²³ "State necropolitics and anti-black racism, discursive analysis of the murder of George Floyd," Gvanildo Alves Dasilva. Odoconhecimento.com.br. 23/12/2021.

²⁴ "The necropolitics of drones," Jamie Allison. Political International Relations journal. June 2, 2015.

²⁵ "Necropolitics of Drones," Edinburg Research Explorer.

زور پکٹگیں ہند ۽ دمگاں نیکرو سیاست ۽ کارمرز کنت۔ پاکستان ۽ بلوچ ۽ زربشت ہلاس کنگ ۽ ہاتر ۽ نیکرو سیاست ۽ رہبند کارمرز کنگ ۽ داں روج ۽ مروچی کنگ ۽ انت۔ سیاسی ورکرانی بیگواہ کنگ ۽ پد آہانی تیر سہنگیں جون دور دیگ بنت۔ نودر بر بیگواہ کنگ ۽ پدماں آزار جاہاں بند کنگ بنت۔ اے نیکرو سیاست ۽ شور بندی انت۔ پاکستان کہ ڈرون کارمرز کنت، اے نیکرو سیاست انت۔ بلوچستان ۽ ہمگ دمک ۽ لشکری بنجل، شپ ۽ پاساں لشکر ۽ لوگاں دور کنگ، چاپہ جنگ ۽ لس مردماں آزار دیگ نیکرو سیاست انت کہ پاکستان کارمرز کنگ ۽ انت۔

آسر:

باو سیاست ۽ نیکرو سیاست بازمانگیش اٹگیں لیکہ انت۔ ایشانی سر پد بوگ ۽ ہاتر ۽ وانوک ۽ بازپٹ ۽ پول کنگ کپ ایت ۽ وانگ لوٹ ایت۔ اے دوئیں گالبند مروچاں دست ماں دست انت ۽ سیسی جہان ۽ ہوار دنیا ۽ کُند کُند ۽ کارمرزگ بنت۔ پہ درور، جمیل احمد ۽ وتی کتاب، "The Wandering Falcon" ۽ فاطمہ بھٹو ۽ وتی کتاب "The Shadow of the Crescent Moon" ۽ تہ ۽ باو سیاست ۽ نیکرو سیاست ۽ ہیال دیم ۽ آڈرنگ انت۔ 11/9 ۽ پد پاکستان ۽ ماں خیر پختونخوا ۽ قبائلی ہند ۽ دمگاں اے ہر دوئیں سیاسی رہبند کارمرز کنگ انت۔ جنگ ۽ سوہ ۽ اے دگ باز اسر مند بیگ۔ امریکہ ۽ ہمسنتیاں ہوار پاکستانی لشکر مردمانی زند ۽ مرگ ۽ پیسلہ کنوک بوتگ۔ کئی زندمانا دار ایت ۽ کئی زندمانانہ دار ایت؛ اے پیسلہ ہمیشاں کنگ۔ مروچی پاکستان بلوچ ۽ زند ۽ پیسلہ ۽ ہم کنگ ۽ انت کہ کجام بلوچ بیگواہ کنگ بہ بیت ۽ کجام بلوچ کشگ بہ بیت۔